

## **EXTRACTO DOS ACORDOS ADOPTADOS POLA XUNTA DE GOBERNO LOCAL NA SESIÓN CELEBRADA O DÍA 18 DE AGOSTO DE 2021.**

A Xunta de Goberno Local celebra sesión ordinaria, en segunda convocatoria, o día dezoito de agosto de 2021, baixo a presidencia do Excmo. Sr. Alcalde en funcións, D. RUBÉN ARROXO FERNÁNDEZ, e coa asistencia dos Ilmos. e Ilmas. señores e señoras concelleiros e concelleiras: D. MIGUEL FERNÁNDEZ MÉNDEZ, D.<sup>a</sup> ANA MARÍA GONZÁLEZ ABELLEIRA e D.<sup>a</sup> TAREIXA ANTÍA FERREIRO TALLÓN. Actúa como Secretario o Concelleiro Secretario da Xunta de Goberno Local, don Miguel Fernández Méndez, e asisten á sesión o Secretario Xeral do Pleno, por substitución da Vicesecretaria, don Rafael José del Barrio Berbel, e a Interventora Xeral en funcións, dona María Baza Poudereux, os cales foron convocados para o efecto. Adóptanse conforme ós termos da orde do día os seguintes acordos:

### **ÁREA DE GOBERNANZA: ECONOMÍA E RECURSOS HUMANOS**

**1. CONTRATACIÓN E PATRIMONIO.-** Aprobouse a contratación da asistencia externa para a elaboración da "Planificación detallada de zonas de confort climático residencial (zccr)", correspondente á acción C3 do Proxecto Life14 CCA/ES/000489 Lugo + Biodinámico. "Planificación dun Barrio Multi-Ecolóxico como modelo de resiliencia urbana" cofinanciado pola Unión Europea mediante o instrumento financeiro Life 2014-2020. (Exp. 2020/C003/000074).

Así mesmo, aprobáronse as delegacións de competencias na Tenenta de Alcadesa Delegada da Área de Cohesión e Dinamización social e no Concelleiro Delegado de Xuventude e Deportes para a resolución de todos os actos de trámite e resolutivos en relación cos procedementos administrativos de contratación relativos, respectivamente, á celebración do Festival Caudal Fest 2021 e da proba inicial do circuíto "World Padel Tour" 2021 no termo municipal de Lugo.

**2. FACENDA LOCAL.-** Aprobouse a regularización da situación tributaria en concepto de taxa pola prestación de servizos urbanísticos e imposto sobre construcións, instalacións e obras, ó denegarse a licenza solicitada para a legalización de reformas, modificación de instalacións e ampliación de nave na rúa da Agricultura, 52-55 A.

Estimouse a solicitude de devolución formulada en concepto de imposto sobre construcións, instalacións e obras, por terse declarado a caducidade da licenza de obras número 121/2011 outorgada para construír un edificio na rúa Serra dos Ancares, 31-33.

Tamén se aprobou a regularización da situación tributaria en concepto de taxa pola prestación de servizos urbanísticos e imposto sobre construcións, instalacións e obras, ó desistir da licenza de obras solicitada para legalización de

vivenda unifamiliar en Vilaverde, Parroquia de Outeiro das Camoiras.

### **ÁREA DE SOSTIBILIDADE URBANA**

**3. LICENZAS URBANÍSTICAS.-** Aprobáronse as licenzas para rehabilitación, reforma e ampliación de edificación existente, composta de planta baixa para accesos e local sen uso definido, tres plantas altas e aproveitamento baixocuberta para tres vivendas, sito na Ronda da Muralla, número 178. (Expte: 2020/Y001/000005) e para a rehabilitación de edificación tradicional existente, sita no Núcleo Rural 29.2 Castro (P)-Vilar-Guntín, Castro, número 9. (Expte: 2020/Y001/000364)

### **ÁREA DE PARTICIPACIÓN E SERVIZOS PARA A VECIÑANZA**

**4. PARTICIPACIÓN E ATENCIÓN CIDADÁ.-** Aprobouse a concesión de subvención nominativa 2021 á Cruz Roja Española (CIF Q2866001G). Programa: -- Servizos preventivos e intervención en emerxencias, en actuacións de carácter preventivo realizadas no termo municipal de Lugo con motivo da celebración de actos de carácter cultural, deportivo, festivo ou similares.

### **ÁREA DE CULTURA, TURISMO E PROMOCIÓN DA LINGUA**

**5. CULTURA.-** Aprobouse a delegación de competencias na Tenenta de Alcadesa Delegada da Área de Cultura, Turismo e Promoción da Lingua para a resolución de todos os actos de trámite e resolutivos en relación cos procedementos administrativos de contratación relativos ás Festas de San Froilán.

### **ÁREA DE COHESIÓN E DINAMIZACIÓN SOCIAL**

**6. SERVIZOS SOCIAIS.-** Aprobouse a concesión directa das subvencións previstas nominativamente nas bases de execución do Orzamento Xeral do Concello de Lugo (exercicio económico 2021) e aprobación dos respectivos convenios a asinar entre o Concello de Lugo e as entidades que desenvolven a súa actividade no eido dos servizos sociais.

**Asinado dixitalmente polo Tenente de Alcadesa Delegado da Área de Goberno de Cohesión Territorial e Concelleiro Secretario da Xunta de Goberno Local, don Miguel Fernández Méndez.**